



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Epinicivm S. Avgvstini, vulgò Seqventia.

urn:nbn:de:hbz:466:1-42857

EPINICIUM
S. AVGVSTINI,
vulgò SEQVENTIA.

DE profundis tenebrarum,
Mundo lumen exit clarum,
Et scintillat hodie.

Olim quidem vas erroris
Augustinus, vas honoris
Datus est Ecclesie.

Verbo Dei dum obedit,
Statim credit, & accedit
Ad Baptismi gratiam.

Quam in primis tuebatur
Verbis, scriptis execratur
Erroris fallaciam.

Firmans fidem, formans mores,
Legis sacrae peruersores
Verbi necat gladio.

Obmutescit Fortunatus,
Cedunt Manes & Donatus
Tanta lucis radio.

Mun-

Mundus marcens & inanis,
 Et doctrinis tritus vanis,
 Per pestem hæreticam.

Multum cœpit fructum ferre,
 Dum in fines orbis terra,
 Fidem sparsit vnicam.

Clericalis vitæ formam
 Conquadravit iuxta normam
 Cætus Apostolici.

Sui quippe nil habebant,
 Tamquam suum: sed vivebant
 In commune clerici.

Sic multorum pro salute
 Diu vivens in virtute,
 Dormiuit cum patribus.

In extremis nil legavit,
 Qui nil suum estimavit,
 Imò totum reputavit
 Commune cum fratribus.

Salve gemma Confessorum,
 Lingua Christi, vox calorum,
 Scriba vitæ, lux Doctorum,
 Præsul beatissime.

b

Qui

Qui te Patrem venerantur
 Te ductore consequantur
 Vitam, in qua glorientur
 Cum Sanctorum agmine.

AMEN.



A P.